

Zentralfriedhof

T./M.: Wolfgang Ambros

Es lebe der Zentralfriedhof, und olle seine Toten
Der Eintritt is für Lebende heit ausnahmslos verboten
Weü da Tod a Fest heit gibt die gonze lange Nocht
Und von die Gäst ka anziger a Eintrittskort'n braucht.

Wann's Nocht wird über Simmering, kummt Leben in die Toten
Und drüb'n beim Krematorium tan's Knochenmork ohbrot'n
Dort hinten bei der Marmorgruft, durt stengan zwa Skelette
Die stess'n mit zwa Urnen on und saufen um die Wette

**Am Zentralfriedhof is' Stimmung, wia's sei Lebtoch no net wor
Weu olle Tot'n feiern heite seine erscht'n hundert Jahr**

Es lebe der Zentralfriedhof, und seine Jubilare
Sie lieg'n und sie verfeul'n scho durt seit über hundert Jahre
Drauß't is koit und drunt is worm, nur monchmol a bissel feucht
A-wann ma so drunt liegt, freut man sich, wenn's Grablaternderl leucht

Es lebe der Zentralfriedhof, die Szene wirkt makaber
Die Pforrer tanz'n mit die Hur'n, und Juden mit Araber
Heit san olle wieder lustich, heit lebt ollas auf
Im Mausoleum spü't a Band, die hot an Wohnsinnshammer d'rauf

**Am Zentralfriedhof is' Stimmung, wia's sei Lebtoch no net wor
weu olle Tot'n feiern heite seine erscht'n hundert Jahr**

Es lebe der Zentralfriedhof, auf amoi mocht's an Schnoiza
Da Moser singt's Fiackerliad, und die Schrammeln spü'n an Woiza
Auf amoi is die Musi stü, und olle Augen glänz'n
Weu dort drü'm steht da Knochnmonn und winkt mit seiner Sens'n

**Am Zentralfriedhof is Stimmung, wia's sei Lebtoch no net wor
Weu olle Tot'n feiern heite seine erscht'n hundert Jahr.**

Olles Leiwand

www.ollesleiwand.de